




Bájkkeavijssa NuorttaSálto

Ietjálágásj fálaaldahka julevsámenuorajda



Boahtte vahko álgaduvvá ádå ja ietjálágásj mediafálaaldahka julevsámenuorajda: “NuorajTV” le namma.

NuorajTV le sámegiela næhtta-tv man ulmmejuogos le nuora julevsámedáfon. Guokta nuora galgaba miellagiddis ássjiij, suohtas ássjiij ja ádåsiij dahkat ja almodit dajt sierra næhttabælláj.

Oajvvegiella l sámegiella, valla ássje járggáluvvi dárogiellaj vaj le dádja-dahte aj dajda gudi e állu buoragit sámegiela buvte.

- Næhtta-tv baktu sihtap ásadit arenav gánnå julevsámegiella gullu ja aneduvvá nuoraj gasskan - nuoraj árvoj vuodon, javllå redaktørra Maria Mikkelsen (23). – Sihtap adnet sámegiela ietjå ja ádå láhkáj gå mij le árbbedábålasj adno.

Sån le esski állim journalisstaåhpadasjñ Voldan, ja le sijddaj jáhtåm prosjevtajñ bargatjit. Såj Simon Piera Paulsenijn (22), gut aj le Divtasvuonas, galgaba Ájluovtan barggat ádå-jagijda.

- Dåt le huj geldulasj prosjækta, ja måj lin vuorbåltta gudi bessin

oassålasstet. Prosjevtå baktu bessin barggat vājmmoåssjiijñ – julevsámegiela boahtteájgge – sāmmi båtå gå barggo le geldulasj ja guoskavasj goappåtjiijda, javllå Mikkelsen.



Sunnu Simona barggo le dahkat ássjiij ma guoski ja berustalli sámenuorajt. Ájnas oasse prosjevtas le aj ahte nuora ietjå máhtti oassålasstet ja ietjasa filmajt næhttasijdon juohket.

- Filma máhtti juohkkalåhkáj dagåduvvat ja vājku man birra liehket, ájnna-samos ássje le adnet sámegiela majt buktå, javllå Simon.

NuorajTV le gæhttalimprosjækta ja vihpa ádåjagijda. Sámedigge, Norlån-da Filkkasuohkan ja Ádåstahttemhåldadus ja girkkodepartementa pros-

jevtav doarjodi.

Gårvedimijn libå goappåtja tjadådam filma -ja tv-kursav. Ja ragåtmånno 8. biejev dåhkki vuojnnet vuostasj almodusåjt.

- Dåt le állu ádå åtsådallam munnuj. Valla Maria duogåtjin journalistihkas ja Simona máhtudagåjn mij teknihhkåj gullu, le munnun buorre vuodo. Ávudallin ålgget, ja jáhkkin jáhtelit oahppin ja åvddånahttin, javllaba måvtugis nuora.

